

U skladu sa članom 20a. st. (1) i (2) Zakona o radu („Službene novine F BiH“ br. 26/16, 89/18 i 44/22) i članom 4. Uredbe o postupku prijema u radni odnos u javnom sektoru u Federaciji BiH („Službene novine F BiH“ broj: 13/19, 9/21 i 53/21), na osnovu člana 15. Pravilnika o radu Dioničkog društva BH Telecom Sarajevo, br. 00.1-14-83950-1/22, 00.1-14-24850-3/23, 00.1-14-34495/23, 00.1-14-4411/24, 00.1-14-32878-2/24, 00.1-14-68904/24, 00.1-14-68904-3/24 i 00.1-14-125847/24, te u skladu sa tačkom II Odluke o objavljivanju javnog oglasa za prijem u radni odnos, broj: 03.2.3.1-50-102379-3/24 od 04.03.2025. godine, nakon pribavljene saglasnosti Federalnog ministarstva prometa i komunikacija, broj: 07/1-45-1039/24 od 23.05.2024. godine, vršilac dužnosti izvršnog direktora Izvršne direkcije za pravne poslove, upravljanje organizacijom i ljudskim resursima Dioničkog društva BH Telecom Sarajevo objavljuje

JAVNI OGLAS

za prijem radnika u radni odnos **na neodređeno vrijeme**, uz probni rad u trajanju do 3 (tri) mjeseca u Sektoru za tehničku podršku, Direkcije Sarajevo Dioničkog društva BH Telecom Sarajevo, sa mjestom rada u Kantonu Sarajevo, na radnim mjestima kako slijedi:

- 1) **77. Tehničar, SSS – 1 (jedan) izvršilac** u Odjeljenju za analizu TK sistema, Službe za analizu i tehničku dokumentaciju,
- 2) **117. Tehničar za nadzemne mreže, SSS – 2 (dva) izvršioca** u Odjeljenju za mjesne mreže, Službe za pristupne mreže i terminalnu opremu,
- 3) **131. Tehničar za IPTV, SSS – 2 (dva) izvršioca** u Odjeljenju za realizaciju komunikacijskih rješenja, Službe za pristupne mreže i terminalnu opremu,
- 4) **143. Tehničar, SSS – 2 (dva) izvršioca** u Odjeljenju za pristupne sisteme - centralne lokacije, Službe za pristupne sisteme,
- 5) **150. Tehničar, SSS - 3 (tri) izvršioca** u Odjeljenju za pristupne sisteme - udaljene lokacije, Službe za pristupne sisteme i
- 6) **103a. Tehničar za podzemnu mrežu, SSS – 3 (tri) izvršioca** u Odjeljenju za razdjelnike i kablovsku infrastrukturu, Službe za pristupne mreže i terminalnu opremu.

Kratak opis poslova za radno mjesto pod 1):

1. Vršiti obradu i analizu podataka o tk sistemima,
2. Sačinjavati dnevni izvještaj o smetnjama i šalje nadležnim organizacionim jedinicama,
3. Obučavati se za rad na novim aplikacijama vezanim za poslove iz djelokruga službe,
4. Obraduje podatke potrebne za analizu i planiranje korisnika usluga i cjenovnika i parametara procesa za QMS.

Kratak opis poslova za radno mjesto pod 2):

1. Obavlja poslove redovnog održavanja i vrši mjerenja, organičavanja smetnji i aktivno učestvuje u otklanjanju na području mjesnih mreža, ispituje linije koje su u smetnji u domenu redovnog i investicionog održavanja pristupnih mreža u dijelu koji se odnosi na nadzemne mreže i korisničke priključke na terenu što podrazumjeva rad pod nepovoljnim uticajem atmosferskih uslova na otvorenom prostoru i poslove pri kojima je radnik izložen prašini (rad na tavanskim prostorijama – ugljena prašina i dr.) i rad na visini – penjanje na stubove radi održavanja samonosive mreže (penjanje na drvene stubove, penjanje na krovne konstrukcije poslovnih i stambenih objekata),
2. Planira i realizuje izmještanje samonosivih kablova po zahtjevima vlasnika sa poslovnih i privatnih objekata što podrazumjeva poslove koji se izvode na visini - penjanje na stubove radi održavanja samonosive mreže (penjanje na drvene stubove, penjanje na krovne konstrukcije poslovnih i stambenih objekata), kao i rad u nepovoljnim mikroklimatskim uslovima, rad pod nepovoljnim uticajem atmosferskih uslova na otvorenom prostoru, rad u uslovima povišenog i sniženog atmosferskog pritiska a koji podrazumijevaju prisilan položaj tijela u toku pretežnog dijela punog radnog vremena,

3. Vršiti montažerske poslove na terenu po nalogu neposrednog rukovodioca iz djelokruga rada organizacione cjeline u kojoj se nalazi,
4. Vršiti hardversku i software-sku konfiguraciju modemske opreme za xDSL, FTTx, IPTV i VoIP, njeno testiranje i instaliranje iste na lokaciji korisnika,
5. Vršiti poslove digitalnih mjerenja i lociranja izvora smetnje,
6. Obavlja prijem, pripremu i organizovanje mjerenja na osnovu dobijenih zahtjeva za mjerenje da bi se dale nove usluge na postojeću paricu (ISDN, ADSL, IPTV, 2Mb veze, internet konekcija i td.),
7. Učestvuje u izradi kućnih instalacija.

Kratak opis poslova za radno mjesto pod 3):

1. Vršiti neposrednu instalaciju novih pretplatničkih uređaja, PTC, ISDN, ADSL, P2P, GPON, IP Centrex, PCM, MTU uređaja i JG,
2. Vršiti hardversku i softversku konfiguraciju modemske opreme za xDSL, FTTx, IPTV i VoIP, njeno testiranje, instaliranje i najavu iste na lokaciji poslovnih korisnika,
3. Vršiti mjerenja, ograničavanja smetnji i učestvuje u otklanjanju smetnji,
4. Učestvuje u izradi tehničkih rješenja pri novim instalacijama PTC-a, ISDN-a i IPTV-a.

Kratak opis poslova za radno mjesto pod 4):

1. Učestvuje u poslovima instaliranja i konfigurisanja; pristupnih i komutacionih sistema, te otklanjanju prijavljenih smetnji,
2. Vršiti poslove digitalnih mjerenja i lociranja izvora smetnje,
3. Koristi tehničku bazu podataka kao sredstvo za efikasniji rad.

Kratak opis poslova za radno mjesto pod 5):

1. Učestvuje u poslovima otklanjanja svih smetnji na pristupnim i komutacionim sistemima,
2. Učestvuje u procesu eksploatacije pristupnih i komutacionih sistema,
3. Vršiti poslove digitalnih mjerenja i lociranja izvora smetnje.

Kratak opis poslova za radno mjesto pod 6):

1. Obavlja poslove redovnog održavanja i otklanjanja smetnji na području kablovske infrastrukture, kao i ispitivanje linija u smetnji, što podrazumjeva rad u kablovskoj kanalizaciji, podrumima, zgradama, iskopanim kablovskim rovovima (rad u vlazi, rad ispod nivoa zemlje, rad na visokim i niskim temperaturama, rad u agresivnim sredinama, rad u neposrednoj blizini saobraćajnica), rad sa otvorenim plamenom na propan-butan, rad u nepovoljnim mikroklimatskim uslovima i rad pod nepovoljnim uticajem atmosferskih uslova na otvorenom prostoru,
2. Radi montažne radove po urađenim TR za nove priključke,
3. Dostavlja neposrednom rukovodiocu podatke odnosno promjene na kablovima u montažnom dijelu kako bi se ažurirala tehnička baza i tehnička dokumentacija.

I OPŠTI USLOVI (za sva radna mjesta):

- da je kandidat državljanin Bosne i Hercegovine,
- da ima opštu zdravstvenu sposobnost za obavljanje poslova navedenog radnog mjesta (samo kandidat koji bude izabran dužan je u roku od 5 (pet) dana od dana konačnosti Odluke o prijemu u radni odnos, dostaviti ljekarsko uvjerenje o zdravstvenoj sposobnosti, kao dokaz da njegovo zdravstveno stanje i psihofizičke sposobnosti odgovaraju **svim** uslovima radnog mjesta, a koje nije starije od 3 (tri) mjeseca).

II POSEBNI USLOVI:

Za radno mjesto pod 1):

- a) SSS (IV stepen stručne spreme) – sa završenom srednjom elektrotehničkom školom, gimnazijom ili drugom odgovarajućom školom,

b) bez radnog iskustva u trajanju do 6 (šest) mjeseci ili sa radnim iskustvom u trajanju od minimalno 6 (šest) mjeseci, nakon sticanja potrebne stručne spreme.

Za radno mjesto pod 2):

a) SSS (IV stepen stručne spreme) – sa završenom elektrotehničkom školom, gimnazijom ili drugom odgovarajućom srednjom školom tehničkog ili društvenog smjera,

b) bez radnog iskustva u trajanju do 6 (šest) mjeseci ili sa radnim iskustvom u trajanju od minimalno 6 (šest) mjeseci, nakon sticanja potrebne stručne spreme.

Za radno mjesto pod 3):

a) SSS (IV stepen stručne spreme) – sa završenom srednjom elektrotehničkom školom – smjer elektrotehnika,

b) bez radnog iskustva u trajanju do 6 (šest) mjeseci ili sa radnim iskustvom u trajanju od minimalno 6 (šest) mjeseci, nakon sticanja potrebne stručne spreme.

Za radno mjesto pod 4), 5) i 6):

a) SSS (IV stepen stručne spreme) – sa završenom srednjom elektrotehničkom školom ili drugom odgovarajućom srednjom školom tehničkog smjera,

b) bez radnog iskustva u trajanju do 6 (šest) mjeseci ili sa radnim iskustvom u trajanju od minimalno 6 (šest) mjeseci, nakon sticanja potrebne stručne spreme.

**III NAČIN PRIJAVE
(za sva radna mjesta):**

Kandidat je dužan dostaviti svojeručno potpisanu prijavu.

Uz prijavu se **obavezno dostavlja original ili ovjerena kopija** sljedećih dokaza:

- Diploma ili Svjedočanstvo o završenom školovanju, kao dokaz o posjedovanju tražene stručne spreme i
- Uvjerenje o državljanstvu (koje nije starije od 6 (šest) mjeseci).

Poželjno je da kandidat uz svojeručno potpisanu prijavu, dostavi i svoju biografiju (CV).

NAPOMENA I:

U slučaju da, u toku postupka izbora kandidata za prijem u radni odnos, neki od kandidata ostvare jednak broj bodova, prednost pri zapošljavanju pod jednakim uvjetima u skladu sa Zakonom o pravima boraca i članovima njihovih porodica („Sl. novine FBiH“, br. 33/2004, 56/2005, 70/2007, 9/2027 i 29/2022) imat će kandidat koji ima svojstvo demobiliziranog branioca, člana porodice demobiliziranog branioca, djeteta šehida - poginulog branioca, umrlog ratnog vojnog invalida, ili umrlog dobitnika ratnog priznanja i odlikovanja.

Prednost pri zapošljavanju pod jednakim uvjetima kandidat ostvaruje, samo ukoliko pored opštih i posebnih uslova javnog oglasa, ispunjava i sljedeće:

- da je nezaposleno lice i
- da je demobilizirani branilac ili član njegove porodice, ili da je dijete šehida – poginulog branioca, umrlog ratnog vojnog invalida ili umrlog dobitnika ratnog priznanja i odlikovanja.

Prednost pri zapošljavanju pod jednakim uvjetima kandidati dokazuju dostavljanjem sljedećih dokaza:

- Uvjerenje o statusu nezaposlenog lica izdato od nadležnog organa za vođenje evidencije o nezaposlenim licima, ne starije od 15 dana od dana izdavanja i
- Rješenje/uvjerenje nadležnog organa o priznavanju svojstva demobiliziranog branioca, člana porodice demobiliziranog branioca, svojstva djeteta šehida-poginulog branioca, umrlog ratnog vojnog invalida ili umrlog dobitnika ratnog priznanja i odlikovanja.

NAPOMENA II

- a) Prijava kandidata koja ne bude sadržavala sve dokaze zahtijevane javnim oglasom odbacit će se kao nepotpuna.
- b) Neuredne, nepotpune i neblagovremene prijave neće se uzeti u razmatranje.
- c) Sa kandidatima čija prijava bude blagovremena, uredna i potpuna održat će se usmeni ispit.
- d) Komisija za izbor kandidata za prijem u radni odnos, pored usmenog ispita, Planom rada može predvidjeti održavanje pismenog i/ili praktičnog ispita, o čemu će kandidati biti blagovremeno obaviješteni.
- e) Kandidati koji se ne odazovu/ne pristupe svim ispitima koji su predviđeni Planom rada Komisije, gube pravo na učešće u daljem postupku izbora kandidata.
- f) Kandidat se sa jednom prijavom može prijaviti na više pozicija iz ovog oglasa, uz obavezu navođenja pozicija na koje se prijavljuje.
- g) Generalni direktor zadržava pravo da obavi razgovor sa kandidatima sa Liste uspješnih kandidata, a u svrhu upoznavanja kandidata i adekvatnijeg izbora novog radnika.

IV Rok za podnošenje prijava na ovaj javni oglas je **do 14.03.2025. godine.**

Prijave sa dokazima o ispunjavanju uslova traženih oglasom, dostavljaju se u zatvorenoj koverti neposredno na protokol Dioničkog društva BH Telecom Sarajevo ili putem pošte na adresu:

Dioničko društvo BH Telecom Sarajevo
Sa naznakom "Prijava na javni oglas za radno mjesto
(navesti broj i naziv radnog mjesta) - ne otvarati"
Ul. Zmaja od Bosne br. 88,
71000 Sarajevo

Dokumentacija priložena uz prijavu će se čuvati 1 (jednu) godinu nakon izvršenog izbora kandidata (u slučaju sudskog spora, dok traje spor), te istu kandidat može, uz prethodno podneseni zahtjev, preuzeti na protokolu Dioničkog društva BH Telecom Sarajevo nakon okončanja javnog oglasa. Zahtjev za izuzimanje dokumentacije kandidat može podnijeti u roku od 1 (jedne) godine od dana izbora kandidata, putem protokola Dioničkog društva BH Telecom Sarajevo na naprijed navedenoj adresi, nakon čega će dostavljena dokumentacija biti uništena.

Dioničko društvo BH Telecom Sarajevo će lične podatke kandidata dostavljene u prijavi i prijavnoj dokumentaciji obrađivati u svrhu provođenja postupka prijema novog radnik.

Upute za apliciranje na javne oglase u Dioničkom društvu BH Telecom Sarajevo možete naći na sljedećem linku:
<https://www.bhtelecom.ba/karijera/>.

